



Chistiona su Sardu!

Letzione N.12

Istare male

Maistra: In custu diàlogu amus a intèndere una persone chi no istat bene e sas consequèntzias.

Micheli: Mi paret chi non m'intendo bene.

Marisa: Difatis tenes una cara unu pagu groga.

Lio: Ma no est chi as papadu tropu? Naras chi sa timbadda non ti praghet, ma apo già bidu chi ti nd'as ghetadu duas bortas e partes bellas puru!

Marisa: Bona fiat bona però. Cheres una tassa de abba?

Micheli: Difatis porto s'istòmagu unu pagu grae... nono gràtzias...

Lio: Firmu. Setze-ti o si tenes gana mala est mègius chi curre in gabinete!

Micheli: Mi paret pròpiu chi ando in gabinete! Nde depo torrare totu!

Lio: Non s'ischit mancu regolare. Est un'ispasderadu e a bortas esàgerat.

Marisa: Beh, su coghinare de mama tua est una tentatzione manna. Mi paret chi depo istare atenta deo puru.